

TIMOR-LESTE

Konstituisaun fo dalan atu ema livre hili no fihir nia religiaun, no leis no politika sira seluk mos kontribui em geral fo dalan atu ema ho livre hili no pratika nia religiaun.

Em geral governu respeita liberdade pratika religiaun ka fiar nian. La iha mudansa iha estatutu respeitu ba liberdade pratika religiaun husi governu durante periodu relatoriu ne'e fo sai.

Iha relatoriu ijoladu balun kona ba abuzu sosial nian no diskriminasaun kona ba afiliasaun religiaun, iha fiar ka iha pratika.

Governu Estadus Unidus diskute liberdade religiaun ho governu nudar parte ida ba nia politika tomak hodi promove direitus humanus.

Seksaun I. Demografia Religiaun nian.

Nasaun ne'e iha nia luan ho 5, 406 metrus quadradus ho total populasaun hamutuk miliaun 1.1. Tuir relatoriu tinan 2005 nian husi Banku Mundial katak populasaun 98% mak tuir religiaun Katolika Roma, 1% mak tuir religiaun Protestante no menus husi pursentu ida mak Musulmanu. Prostestante Denominasaun mak inklui Adventu Loron-hitu, Pentekosta, Testemuina Jehovah, no Igreja Visaun Kristu nian. No iha mos numeru kiik Protestante Kongregasaun Naun-Denominasaun. Sidadaun maioria mos sei tau fiar iha animismu no mos nia pratikas, nebe sira hare' la kontradis ho sira nia afiliasaun ho religiaun formal.

Nasaun ne'e iha numeru Musulmanus nebe signifikante durante okupasaun Indonesia nian, maioria compostu husi etniku imigrantes Malayu husi rai sira Indonesia nian. Iha mos etniku Timor Oan mak tama ba Musulmanu, nune'e mos iha grupu kiik ida gerasaun husi Musulmanu Arabia nian nebe hela iha nasaun ne'e wainhira Rai ne'e sei iha kolonizasaun Portuguesa nia ukun to'o tinan 1975. Grupu ida ne'e integra ho diak ba sosiedade, maibe etniku Malayu dala balun lae, no mais ou menus atus resin mak sei hela iha nasaun ne'e depois de rai ne'e hetan ukun rasik an iha tinan 2002.

Seksaun II. Estatuto Governu nia Respeita Ba Liberdade Religiaun.

Esbosu Legal/Politika

TIMOR-LESTE

Konstituisaun fo dalan atu ema ida-dak hili no fihir nia religiaun, no leis no politika sira seluk em geral kontribui ba liberdade atu ema halao nia religiaun. Leis iha nivel hot-hotu proteze direitu ida ne'e ho kbit tomak kontra abuzu, nebe bele mai husi governu ka husi seitor privadu sira.

Estadu la iha religiaun ofisial; maski nune'e, Valores Religiaun Katolika famozu iha vida politika nasaun nian. Membrus husi komunidade Protestante no Musulmanus mos iha influensia politika balun no hetan posisaun nebe a'as iha orgaun exekutivu no Legislativu iha governu nia ministerius no iha instituisaun Militar.

Membrus polisia foun sira simu formasaun hodi implementa lei ne'e hanesan ba ema hotu no la halo diskriminasaun, inklui la diskrimina religiaun.

Governu observa loron feriadu hirak tuir mai ne'e nudar loron feriadu nasional; loron Sexta Feira Santa, Loron Assumsaun nian, Loron Santo sira nian, Loron festa Imakulada Conceicao nian, Loron Natal, loron Idul Fitri no loron Idul Adha.

Hahu iha tinan 2007 Sekretariu Estadu Ba Ajsuntu Seguransa nian hetan autoridade hodi rejista organizasaun religiozas, maske nune'e institutisaun ne'e seidauk desenvolve prosedimentus rejistru nian to'o periodu relatoriu ne'e fo sai.

Lei ida iha tinan 2003 kona ba imigrasaun no azilu fo sai katak "ema estrangeiru sira la bele fo assistensia religiaun ba forças defeza no seguransa, ho exsepsaun so bele wainhira iha kazu nebe absolutamente presisa no iha urgencia." Baseia ba parte lei ida ne'e nian, autoridade imigrasaun establece residensia no kustus visa nian ba ema estrangeirus nebe hela iha nasaun ne'e. Misionarius no figuras husi religiaun sira seluk livre husi kustus ida ne'e.

Restriksoens ka bandu Livre hili Religiaun

Em geral governu respeita ema ida-idak atu hili no fihir nia religiaun no pratika. La iha mudansa iha estatuto respeita ema ida-idak atu hili no fihir nia religiaun ho livre husi governu durante periudu relatoriu ne'e fo sai.

La iha relatoriu kona ba prisoneirus religious ka kastigu ema tamba religiaun iha nasaun ne'e.

Konvensaun Liberdade Religiaun

La iha relatoriu kona ba obriga ema tama religiaun.

Seksaun III. Estatuto Sosial nia respeitu ba liberdade fiar nian.

TIMOR-LESTE

Iha mos relatoriu izoladu balun kona ba abuzu sosial nian no diskriminasaun kona ba afiliasaun religiaun, fiar, no iha pratika. Hahalok hasoru grupu kiik komunitade protestante no Musulmanu diak tebes iha Kapital Dili; maske iha Distritu sira grupu religiaun nebe Iaos Katoliku dalar uma hare' ho matan ikun deit ka hare' ho diskonfiansas.

Durante periudu relatoriu ne'e fo sai, informasaun kredibel relata insidente 6 nudar abuzu sosial no diskriminasaun iha nasaun ne'e hasoru grupu Protestante nebe hari'i husi Misionariu estangeiru sira. Relatoriu la mensiona kona ba insidente nebe todan.

Iha ona relatoriu nebe fosai katak iha Lospalos, Viqueque no Liquica iha diskriminasaun kontra estudantes sira tamba sira husi grupu Protestante. Relatoriu hirak ne'e inklui mos alegasaun katak diretor eskola no mestre sira duni sai estudantes protestante husi eskola no la autoriza estudante sira seluk atu tuir exame ikus iha tinan ida nian. Iha kazu balun, estudante sira tenke muda mai Dili hodi bele finaliza sira nia estudu.

Iha fulan Julhu tinan 2009 Misionariu Protestante Brazileiru ida hetan baku iha Maliana, relatoriu fo sai katak misionariu ne'e hetan baku husi grupu Katoliku foin sae ida. Keixa formal ida halo duni maibe la iha ema ruma mak hetan kaer. Maske nune'e Misionariu ne'e kontinua servisu iha fatin refere, maibe nia sente tauk ba nia seguransa.

Iha tinan hanesan (2009) Igreja Protestante iha Ainaro relata katak sira nia Igreja rua hetan xave metin ilegalmente hodi prevene servisu nebe sira halo da-daun. Polisia Nasoens Unidas no PNTL relata katak sira kolia ho sira nebe hamosu problema no sira rekuja atu hasai Xave ho argumentu katak Igreja Protestante tenke sai husi fatin neba. Kazu ne'e lori ba to'o Tribunal Distrital. Juiz haruka ordem dala tolu ba Igreja rua ne'e atu bele loke fali maibe PNTL nunka exekuta ordem Juiz nian. Defensor Distrital relata katak nia haruka karta ida ba Juiz hodi rekuza katak nia la aseita ordem Tribunal nian atu loke fali Igreja rua refere. No Igreja rua ne'e sei takha hela to'o fosai relatoriu ne'e.

Iha tinan 2008 grupu ida ho ema besik nain 800 halao orasaun vigilancia iha liur Igreja Misionariu Protestante iha Aileu hodi fo presaun atu taka Igreja ne'e. PNTL to'o iha fatin akontesimentu no la iha esforso ho susesu atu hafahe ka hapara ema hirak ne'e. Iha loron tuir mai, contingente Republika Portugal nian (GNR) to'o iha fatin akontesimentu no konsege hapara ema grupu bo'ot ne'e ho diak. GNR fo hanoin ba ema sira nebe halo protestu katak Timor-Leste nudar nasaun ida demokratiku no liberdade atu hili religiaun ne'e proteze no diabadikan iha ita nia konstituisaun. Asaun protesta iha Igreja Misionariu Aileu hahu iha fulan ida antes de reza vigilancia wainhira grupu ida husi residentes lokais no jovem sira mosu iha fatin nebe hari'i Igreja Protestante foun ne'e no tuda fatuk ba Igreja foun ne'e. Manifestante ka

protestor sira egijehodi dehan katak Timor-Leste Nasaun ida nebe Katoliku, no husu atu Misionariu sira sai husi neba, no tuir mai sira fahe malu voluntariamente liu tiha oras balun. Vidru Janela nia rahun, maibe la iha kanek ruma mak relata iha insidente ne'e. Tuir insidente ne'e autoridades lokais husu Igreja Protestante atu temporariamente suspende ninia atividades. Liu tiha semana rua Igreja ne'e loke fali wainhira hadia tiha estragus nebe iha. Wainhira iha periudu relatoriu ne'e fo sai, repartisaun servisu Prokuradora Geral nian sei kontinua halo hela investigasaun ba insidente hirak ne'e.

Sek saun IV. Politika Governu Estadus Unidus Nian

Governu Estadus Unidus diskuti liberdade hili ka fihir religiaun ho governu Timor-Leste nudar parte ida husi nia politika tomak hodi promove direitus humanus. Governu Estadus Unidus regularmente expresa nia apoia ba lideres governu nian atu halo konsolidasaun ba demokrasia konstitusional, inklui respeita direitus umanus basiku hanesan liberdade atu hili no fihir nia religiaun.

Nudar adisaun, governu Estadus Unidus mantein dialogu ho membrus Parlamentu durante sira nia deliberausaun ka pertimbangan kona ba legislausaun nebe afeta liberdade ba ema atu hili ka fihir nia religiaun. Governu Estadus Unidus enkoraja seitor Justisa hodi dezenvolve instituisaun sira atu promove aturan hokum ka regras lei nian no garantia respeita ba liberdade hili no fihir religiaun nebe mak fo no konsagra ona iha konstituisaun.